

115 höfrungunum, að frádregnum áföllnum kostnaði. Í sambandi við framangreint málefni
24. ágúst. hafið þjer borið upp þá fyrirspurn, hvort umboðsstjórnin eigi að láta af hendi fátækra-
hlut af hvólum, sem landssjóður kann að eiga tilkall til, eptir Jónsbókar rekabálki 10.
kap., eða hvort þessi ákvörðun verði álitin felld úr gildi með 14. gr. fátækra-
reglugjörð-
arinnar 8. jan. 1834.

Til svars uppá þessa fyrirspurn skal yður hjer með þjónustusamlega tjáð til
þóknanlegrar leiðbeiningar, að þó að fátækrahlutur af hval, sem er fluttur eða skorinn
á helgum degi, sje ekki talinn með venjulegum tekjum sveitarsjóða í ofannefndri laga-
grein, þá getur það að mínu álitu alls ekki verið því til fyrirstöðu, að ákvæði Jónsbókar í
10. kap. rekabálks standi í fullu gildi að því er þau ná til, en vitaskuld er, að þau
snerta alls ekki það tilfelli, er hval rekur á helgum degi, heldur lúta þau að eins að
vinnu þeirri sem unnin er að flutningi hvals eða skurði.

116 Brjef landshöfðingja til amtmannsins í norður- og austuramtinu, um
25. ágúst. skipting á eignum og skyldum norðuramtsins og austuramtsins. — Eptir að hafa
meðtekið þóknanlegt brjef yðar, herra amtmaður, dags. 14. maí þ. á., og þar með
fylgjandi ágripsendurrit úr gjörðabók sýslunefndarinnar í Norður-Þingeyjarsýslu, er sýnir
að sýslunefndin hefur samkvæmt 1. gr. í lögum 11. júlí 1890 um breytingar nokkrar
á tilskipun 4. maí 1872 um sveitarstjórn á Íslandi, kosið að Norður-Þingeyjarsýsla verði
hluti af hinu nýja Austuramti, hef jeg samkvæmt tillögum yðar og með ástæðum þeim
er þjer tilfærið fyrir tillögum yðar, ákveðið, að skipting á norður- og austuramtinu skuli
fara fram við áramótin 1891 og 1892, og skiptast þá sjóðir, eignir, skuldir og skuld-
bindingar milli norðuramtsins og austuramtsnsí svo sem hjer segir:

1. Jafnaðarsjóður norður- og austuramtsins skiptist milli amanna tiltölulega eptir því,
er sýslurnar í hvoru þeirra hafa lagt til sjóðsins um síðustu 5 ár, þannig að Norður-
amtið hlýtur $\frac{10}{27}$ hluta, en austuramtið $\frac{11}{27}$ hluta af sjóðnum, að meðtöldum ó-
endurgoldnum fyrirframborgunum í árslok 1891.

Skuld sú, sem hvílir á jafnaðarsjóði, sem er eptirstöðvar af láni til brúnna á
Skjálfandafljóti, greiðist af ömtunum eptir sama hlutfalli.

2. Amtsbókasafnið á Akureyri verði eign norðuramtsins, sem aptur taki að sjer allar
þær skuldbindingar og kostnað, sem eign þessari fylgir, að meðtaldri skuld útaf
kaupum á stof handa safninu.

3. Af eyðublöðum, er amtið á (undir bólusetningarvottorð og verðlagsskrár), fær norð-
amtið $\frac{2}{3}$ en austuramtið $\frac{1}{3}$ hluta.

4. Búnaðarsjóði norður- og austuramtsins skal skipt eins og styrk til eflingar búnaði
hefur áður verið skipt, eptir mannfjölda í ömtunum samkvæmt manntali 1890,
þannig að norðuramtið hlýtur $\frac{16}{25}$ en austuramtið $\frac{9}{25}$ hluta af sjóðnum.

5. Starfsvið eptirnefndra sjóða segir til þess, að styrktarsjóður fátækra ekkna og mun-
aðarlausra í Eyjafjarðarsýslu og Akureyrarkaupstað og Prentsmiðjusjóður norður- og
austuramtsins (sjá stofnunarskrá sjóðsins, Stjt. 1886, B. bls. 125) verður undir stjórn
amtsráðsins í norðuramtinu, en gjafasjóður Guttorms prófests Þorsteinssonar til fá-
tækra í Vopnafjarðarhreppi og gjafasjóður Pjeturs sýslumanns Þorsteinssonar til fá-
tækra í Vallasókn undir stjórn amtsráðsins í austuramtinu.

Skyldugreiðslur, sem á jafnaðarsjóði hvíla samkvæmt lögum, svo sem kostnaður til amtsráðsins, sáttamála, heilbrigðismála (bólusetningar), heyrnar- og málleysingja, notkun fangelsa, svo og út af fjárkláða, ef fyrir kann að koma, greiðir hvort amtið fyrir sig, eptir því, sem þar tilfellur. Kostnað við samning verðlagsskráa, svo sem hina venjlegu þóknun til hjeradsprófastsins í Eyjafjarðarsýslu, greiði norðuramtið að $\frac{2}{3}$ en austuramtið að $\frac{1}{3}$ hluta. 116
23 ágúst.

Þetta er yður hjermeð þjónustusamlega tjáð, herra amtmaður, til þóknanlegrar leiðbeiningar og frekari ráðstöfunar.

Bref landshöfðingja til sýslumannsins í Hánavatnssýslu, um leyfi til halda lotteri. — Hjer með læt jeg ekki hjálíða þjónustusamlega að tjá yður, herra sýslumaður, að jeg eptir beiðni, er hingað hefur borizt beina leið, frá forstöðukonu kvennaskólans á Ytriey, hef veitt leyfi til þess að hún haldi lotterí til ávinnings fyrir hinn svenefnda «Kvenmenntunarsjóð», er stofnaður var á Ytriey veturinn 1890 91 af 45 kvennmönnum, um eptirnefnda muni: 117
3. sept.

1. Harmonium fyrir 160 krónur
2. Sessuborð nr. 1 18 —
3. Sessuborð nr. 2 12 —
4. Armband — 15 —

og hef jeg eptir kringumstæðunum samþykkt, að 2500 seðlar sjeu gefnir út til nefnds lotteris, og hver seldur á 1 krónu, að því áskildu, að nákvæmlega sje hlýtt þeim reglum og ráðstöfunum, er þjer sem lögreglustjóri gjöríð til þess, að allt fari vel og rjettilega fram.

Þetta er yður þjónustusamlega tjáð til þóknanlegrar ráðstöfunar.

Bref landshöfðingja til stiptsyfirvaldanna, um breyting á lántökuleyfi til húsaþyggingar á prestsetri. — Eptir að hafa móttekið þóknanlegt brjef stiptsyfirvaldanna dags. 31. f. m. og þar með fylgjandi beiðni prestsins að Gaulverjabæ, síra Ólafs Helgasonar, þar sem hann sækir um breytingu á lántökuleyfi því til húsaþyggingar á nefndu prestsetri, sem fyrirrennara hans í embættinu, síra Jóni sál. Steingrímssyni, var veitt með brjefi mínu dags., 27. febr. þ. á., vil jeg hjermeð samkvæmt tillögum yðar fallast á, að upphæð lánsins verði aukin um 400 krónur, þannig að lánið allt verði 3200 kr., og að í stað tvíloptaðs húss, 11×12 álna, verði byggt einloptað hús 14×12 álna með porti, 1 al. 9 þuml., og með kjallara undir hálfu húsinu, ef því verður við komið, í stað útibúrs. 118
5. sept.

Svo vil jeg og veita leyfi til að borgunarfresturinn verði 28 ár, ef presturinn getur fengið lán með svo löngum afborgunarfresti, en um það, hvort slíkt lán geti fengiðt úr landssjóði, er ávaxtist og endurborgist á 28 árum með 6% á ári, verður ekki sagt fyrr en yfirlit er fengið yfir fjárhag landssjóðs í árslok 1891.